



# COMUNE DE PÀDRIA

## DELIBERATZIONE DE SA GIUNTA COMUNALE N. 17 DE SU 20/03/2023

OGETU: PROGETU SOTZIALIDADE PRO PESSONES CUN DISABILIDADES. DIRETIVAS A SOS UFÌTZIOS.

S'annu duemìgia e bintitres sa die binti de su mese de Martzu a sas 15.31, in s' UFÌTZIU DE SU SÌNDIGU, acumpridas chi siant totu sas formalidades prevididas dae sa Lege de s'Istadu e dae s'Istatutu, s'est reunida sa Giunta Comunale suta de sa presidèntzia de su SÌNDIGU DUT. MURA ALESSANDRO.

A s'apellu nominale resurtat:

<b>CÀRRIGA</b>	<b>SAMBENADU E NÙMENE</b>	<b>PRESENTE</b>
SÌNDIGU	DUT. MURA ALESSANDRO	EMMO
VITZESÌNDIGU	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO
ASSESSORE	PIRAS ANGELO	EMMO

Presentes n° 4 Ausentes n° 0

Partètzipat su SEGRETÀRIU COMUNALE DUT. RIU FRANCESCO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e decrarat aberta sa setziada pro trattare s'ogetu giutu torra in subra.

## SA GIUNTA COMUNALE

**Premitidu** chi dae su 2009 custa Amministratzione comunale at realizadu, in favore de persones cun disabilidades mentale e/o fisica, chi ant un'autonòmia sufiziente in su traballu e cun una manualidade e capatzidade de camminare discreta, su progetu "Ortu Sotziale", pro torrare a ammaniare un'ortu no a tesu meda dae sa bidda, in ue coltivare grezes típicas de s'area, cunforma a un'ischema e unu tempus definidos bene;

**Pretzisadu** chi sas atividades de su progetu "Ortu Sotziale" si sunt fatas in s'area de s'ex Asilu de sos pitzinnos, cun s'impitu de su fràigu inoghe presente finas a su 2020, annu in su cale su fràigu est istadu decradu inagibile;

**Evidenziadu**, puru, chi sos locales de s'ex asilu de sos pitzinnos sunt destinados a unu progetu de acontadura e de mudadura de s'impitu suo pro àteras finalidades sebestadas dae custu Comune;

**Averiguadu** chi, comente sutalineadu dae sos educadores matessi:

- Pro sas atividades educativas est netzessàriu unu logu serradu a manera de permitere puru addòvios puru in casu de tempus malu e, semper e cando durante sos perìodos de tempus fritu;
- Unos cantos impitadores diant pòdere acumprìre àteros incàrrigos individuales ma non contivigiare s'ortu sotziale;

**Ritènnidu**, duncas oportunu, pro cantu naradu in subra, assignare diretivas a sa minuda a su Responsabile de sos Servìtzios Sotziales, pro providire a s'inghitu de su protzedimentu pro sa publicatzione de unu bandu apòsitu pro s'afidamentu de su Progetu nou de sotzialidade a favore de persones cun disabilidade;

**Ispetzificadu** chi s'idea de base est cussa de unu logu in ue pòdere passare tempus in cumpangia cumpartzende interessos e atividades diferentes a manera profetosa cun sa presèntzia de un'educadore.

**Reconnotu** chi s'ispesa agatat cobertura a su cap. 10420.6 pro sa tzifra ànnua de € 8.000,00;

**Bidos:**

- su DUP 2023-2025 aprovalu cun deliberatzione de su Consìgiu Comunale n. 5 de su 17/02/2023;
- su Bilàntziu de previsione finantziàriu 2023-2025 aprovalu cun deliberatzione de su Consìgiu Comunale n. 6 de su 17/02/2023;
- s'Istatutu Comunale;
- Su Regulamentu de Contabilidade in vigèntzia;
- Su Testu Ùnicu de sas leges subra de s'ordinamentu de sos entes locales Dlgs n. 267/2000;

**Reconnotu** chi custa deliberatzione resurtat coerente cun sos instrumentos de programmatzione de s'ente;

**Achisidos** subra de sa proposta de deliberatzione, sos parres a favore, allegados a custu provedimentu, de su Responsabile de su Servìtziu Finantziàriu, in òrdine a sa regularidade tècnica e contàbile, cunforma a s'art.49, comma 1, de su D.Lgs. n. 267/2000 e mm.ii.ii;

**Riferidu** chi subra de sa matessi proposta de deliberatzione n. 181 de su 20/03/2023 est istadu fatu cun èsitu a favore su coordinamentu testuale de dovere a incuru de su Segretàriu Comunale;

**Reconnota** sa cumpetèntzia pròpia cunforma a saas dispositziones normative, istatutàrias e regulamentares in vigèntzia;

**Intesa** sa relata acraridora a incuru de su Sindigu e de s'Assessore Dettori, agiuados dae su Segretàriu comunale;

**Bida** s'oportunidade, in acordu cun sa proposta tècnica sobrada dae sos ufizios, de protzèdere

a s'aprovazione de custa deliberazione pro sas finalidades in ogetu;

**Acclaradu** chi custa setziada de sa Giunta Comunale s'est acumprida in parte in modalidade telematica, cunforma a s'art. 73 de su D.L. n. 18/2020 e mm.ii.ii e puru de su decretu sindacale n.2 de su 23/03/2020;

**Reconnotu** chi totu sos partetzipantes a sa setziada:

- Ant àpidu in antis visione e disponibilidade de sa proposta de deliberazione relativa a s'ogetu;
- Ant àpidu s'oportunidade de partetzipare a sos traballos de oe de sa Giunta Comunale in presèntzia (Mura, Dettori e Piras) in modalidade telematica (Marica) siat in relata a sa dibata siat in òrdine a sa votazione, cun su contollu costante de su Segretàriu comunale;

cun votos a favore espressados in su matessi momentu a manera legale, cunforma a cantu indicadu in subra

## **DELÌBERAT**

**De approvare** sas premissas narrative e motivazionale a custu dispositivu chi inoghe si cunsiderant recramadas e giutas torra a manera integrale;

**De ativare** su progetu nou a favore de personas chi ant disabilidades, chi resiedint in Pàdria denumenadu "Progetu sotzialidade";

**De affidare a su** Responsabile de sos Servìtzios Sotziales s'ammanadura de su bandu e omni àteru atu ritènnidu netzessàriu pro s'afidamentu de su servìtziu in paràula;

**De sebastare** sas diretivas de màssima chi s'ghint:

- Sas atividades s'ant a fàghere in un'apostu de s'ex Cumbentu frantziscanu, a su mancus una borta a chida pro unu mìnimu de n.4 oras a chida;
- su progetu at a dèvere providire vīsitas didàticas a sos giassos monumentales e archeològicos de Pàdria, comente s'ex Cumbentu Frantziscanu, su Museu Tzìvicu Archeològicu, sa Crèsia de Santa Zulia, Palatu;
- su progetu at a dèvere providire a su mancus n. 4 vīsitas ghiadas a s'annu in sos giassos de interessu culturale, archeològicu e naturalìsticu-ambientale chi s'ghint:
- **SU PROGETU AT A DÈVERE PROVIDIRE A SU MANCUS 4 VISITAS GHIADAS**
  - a) Museu Mont'e Prama Crabas – Sinis – Tharros;
  - b) Foresta Burgos;
  - c) Nuraghe e putu sacru de Santa Cristina;
  - d) Villa Piercy – Badde Salighes (Bolòtana)

**De reconnòschere** chi s'ispea in un'annu pro sa gestione de su progetu in paràula est istantziada in su bilàntziu de previsionone 2023/2025, cumpetèntzia 2023, missione 12, programma 05, a su cap. 10420.6;

## **PARRE DE REGULARIDADE TÈCNICA**

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **20/03/2023** at  
**espressadu parre a FAVORE**

## PARRE DE REGULARIDADE CONTÀBILE

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **20/03/2023** at espressadu parre a **FAVORE**

---

**SU SÌNDIGU**  
**DUT. MURA ALESSANDRO**

**SU SEGRETÀRIU COMUNALE**  
**DUT. RIU FRANCESCO**

---

## NOTA DE PUBLICATZIONE N. 223

Cunforma a s'art. 124 de su T.U. 267/2000 su Responsàbile de sa Publicatzione **SEGRETÀRIU COMUNALE DUT. RIU FRANCESCO** atestat chi in data 20/03/2023 s'est protzèdidu a sa publicatzione subra de s'Albu Pretòriu.

Sa Delibera est esecutiva cunforma a sas dispositziones de lege in vigèntzia